



Universitätsbibliothek Paderborn

**Hermes Theologicvs, Id est Synopsis totius Theologiæ,
perspicuè, doctè, subtiliter, ac breviter discussa**

Et In octo Partes ... distincta ...

De Iustitia Et Contractibvs

Vindalium, 1646

Sect. I. Quæ sit virtus.

urn:nbn:de:hbz:466:1-38850

DE IVSTITIA
IMPROPRIE' DICTA
SEV RELIGIONE.

CAPVT L.

*Quid sit Religio, qua est iustitia
ad Deum.*

SECTIO I.

An sit virtus.

CONCLUSIO I.

Religio est virtus moralis,
omnium perfectissima. Ut
hoc melius percipias,
Nota nomen Religionis
à nobis hic non sumi, pro
ipso statu Religionis Christianæ, aut
etiam pro statu Religiosorum, quatenus
hic dicit quandam congregationē

150 TRACTATVS

hominum, per vota obedientiae, castitatis, & paupertatis specialiter Deo servientium, sed pro quodam habitu, quo inclinamur ad cultum & honorem Deo exhibendum.

Hoc posito, dicendum 1. eiusmodi habitum esse virtutem, quia ut ait s. Thomas, 2.2. quæst. 8. art. 2. virtus est quæ bonum facit habentem, & opus eius bonum reddit. Manifestum est autem quod reddere debitum alicui, habet rationem boni; quia per hoc quod aliquis alteri debitum reddit, constituitur in proportione sufficienti respectu illius, quasi conuenienter ordinatus ad ipsum: atordo ad rationem boni pertinet, sicut modus, & species. Cum ergo ad Religionem pertineat, reddere honorem debitum Deo, sequitur eam inter virtutes numerandam esse.

Dicendum 2. Religionem esse virtutem moralem, non autem Theologicam, quia ut ait S. Doctor art. 5. virtutis Theologicæ obiectum est ultimus finis; esse vero virtutis moralis est, circa ea quæ sunt ad finem. Deus autem non est obiectum Religionis, sed cultus quem Deo exhibet; quare Religio non est virtus Theologica, sed moralis.

Nota 1. cum Religio cultum Deo ex-

DE IUSTITIA. CAP. I. 15.
hibeat, Deum ipsum esse aliquo modo
illius obiectum materiale, non quidem
obiectum quod, vel proximum, quia
sic Religio respicit ipsos actus, per
quos Deus colitur; sed obiectum cui, &
remorum, quatenus Deus est ille cui per
actus internos, vel externos Religionis
debitus honor redditur, Virtus autem
Theologica respicit Deum, etiam tan-
quam obiectum quod, & proximum, ut
inductione patet; nam per fidem credi-
mus Deo, & Deum ipsum; per spem spe-
ramus à Deo, Deum ipsum tanquam
bonum nostrum: & per charitatem ama-
mus Deum, non quidem nobis, sed ip-
simet Deo.

Nota 2. ex eodem articulo 5. in res-
ponsione ad 3. cum Religio sit pars
iustitiae, medium in ea accipi, non se-
cundum passiones, sed secundum aequa-
litatem inter operationes, quae sunt ad
Deum; non quidem simpliciter, quia Deo
non potest tantum exhiberi, quantum
ei debetur, sed secundum quandam con-
siderationem humanæ facultatis, & di-
uinæ acceptationis. Ita scilicet ut nec
cultum Deo debitum deneget, nec Deum
modo illicito colat.

Dicendum 3. Religionem esse virtu-
tem inter morales præstantissimam.

G 4.

152 TRACTATUS

Probatur ex art. 6. quia ea quæ sunt ad fidem, sortiuntur bonitatem ex ordine ad finem, & ideo quò sunt fini propinquiora, eò sunt meliora. Virtutes autem morales sunt circa² ea quæ ordinātur in Deum, sicut in finem: inter quas Religio magis accedit ad Deum, quam alienæ, in quantum operatur ea quæ directè & inmediate ordinantur in honorem diuinum. Quare Religio præeminet inter alias virtutes morales. Quod adhuc magis declaratur, quia omnium consensu, virtutes Theologicæ sunt præstantiores moralibus: at Religio magis accedit ad virtutes Theologicas, quam aliæ virtutes morales: cum illa versetur circa Deum, hæc verò circa proximum, vel circa ipsum operantem. Ex his autem colligi potest, legitimam esse definitionem illam Religionis, qua dicitur, virtus moralis per quam homines debitum cultum, & honorem Deo, tanquam supremo omniū Domino, & creatori exhibent.

CONCLUSIO II. Religio est vna virtus.) Ita tradit S. Doctor art. 3. & probat, quia habitus distinguuntur secundum diuersam rationem objecti. Ad religionem autem pertinet exhibere reuerentiam uni Dco, se-

DE IVSTITIA. CAP. I. 153

cundum vnam rationem, inquantam scilicet est primum principium creationis, & gubernationis rerum. Et ideo manifestum est quod Religio est vna virtus.

Nota 1. hanc resolutionem debere intelligi de unitate specifica, ut satis patet ex probatione adducta; clarusque confirmatur ex responsonibus ad argumenta. Nam cum argumento 1. probatum esset, Religionem non esse vnam, quia per illam ordinamur ad Deum, in quo sunt tres personae, & multa attributa saltem ratione distincta. Respondet S. Doctor, tres personas esse unum principium creationis, & gubernationis rerum; diuersas autem rationes attributorum concurrere ad rationem primi principij, quia Deus producit omnia, & gubernat sapientia, & voluntate, & potentia bonitatis suae; adeoque Religionem esse vnam virtutem.

Deinde, cum secundum argumentum ex multiplicitate actuum, qui Religioni competunt, concluderet eam non esse vnam virtutem. Respondet S. Thomas id non sequi, quia per omnes actus Religionis homo protestatur diuinam excellentiam, & subiectionem sui ad Deum, vel exhibendo ei aliquid, vel assumen-

G 5

154 TRACTATVS

do aliquid diuinam. Ex his autem responsoib; sicut etiam ex tertia constat. S. Doctorem ex vnitate obiecti formalis, probare vnitatem Religionis: quare sicut vnitas obiecti ab eo assignata est specifica, ita & vnitas quam tribuit Religioni. Verum.

Nota 2. dubium esse, quo sensu dicat S. Thomas, Religionem exhibere reverentiam Deo, secundum vnam rationem, nempè quatenus est primum principium creationis, & gubernationis rerum: his enim verbis videtur innuete, ipsam excellentiam Dei esse obiectum formale Religionis, quod tamē dici non potest; quia aliā sequeretur, Religionem esse propriè virtutē Theologicam. Respondeo id non sequi, nam virtus Theologica immediate per actū elicitorum fertur in Deum, sub ratione aliqua Deitatis; fides enim per se Deū respicit, ut est verax, spes ut est bonus nobis, charitas ut est bonus in se. Religio verò immediate respicit cultū diuinum, ut Deo debitum; & quia cultus non debetur Deo, nisi ratione excellentiæ prædictæ, hinc respicit excellentiā Dei mediante cultu; adeò ut non virtus ipsa Religionis, sed actus ab ea imperatus habeat Deum pro obiecto formaliter.